

ТОШКЕНТ ШАХАР
МАХАЛЛАЛАР
ИШИНИ
МУВОФИҚЛАШТИРИШ
КЕНГАШИНИНГ
РЎЗНОМАСИ.
Ҳар ойда икки марта
чиқади.
«Тошкент оқишми»
нашри.

1991 йил, 30 май
№10 (46).

Маҳалладош



Хабарлар, мулоҳазалар, эътирозлар

«ҚУМ-ариқ» маҳалласи тобора обод бўлиб бормоқда. Кейинги пайтда қўмита идораси ёнида тиббий хизмат кўрсатиш хонаси, янги алоқа бўлими ишга тушди. Фаолларнинг саъйи-ҳаракати туфайли 2 километрдан ортқ кўча асфальтланди. Ҳозир эса 150 ўринли замонавий поликлиника ва икки қаватли дўкон қурилиши ҳам бошланиш арафасида.

Усмон **МУҲАМЕДОВ**,
Сергели райони.

МЕН кекса ўқитувчиман. Анчадан бери бир масала ташвишга солади. Папирос чекиш зарарли экани, унинг захри айниқса болалар саломатлигига ёмон таъсир қилиши ҳақида кўп гапирлади. Аммо нега носвойни шифокорларимиз ҳеч тилга олмайдилар. Ахир у ҳам саломатликка қони зарар-ку. «Бешёғоч», «Эски Жува» ёки бошқа бозорларда бемалол носвой пуллашаётганини кўришимиз мумкин. Бу ҳол фарзандларимиз келажаги учун қайғурувчи ҳар бир кишини ташвишга солиши лозим. Бир ўйлаб кўрайлик, ҳамшаҳарлар.

Ойсулув **КЕЛДИЕВА**,
«Марказ—14», 7-уйда
яшовчи онахон.

БИЗ яшаётган ҳовлилар, уйларимиз неча-неча авлодлардан ўтиб, бизгача етиб келган, тор, эски, авария ҳолатида. Газ берилмаган, ҳамон кўмир ёқиб қишдан чиқамиз. Хонадонларимизга табиий газ киритиб беришни сўраб юқори идораларга қилаётган мурожаатларимиз зое кетмоқда. Охири «Ташгоргаз» бошланишидан «Сизларнинг маҳаллангизни газлаштириш 1993 йилга мўлжалланган» деган жавоб хати олди. Бундай режани ким тузган ўзи? Бундан чиқди яна икки йил ўчоққа ўтин ёқиб азоб чекар эканмиз-да. Райижроқўмдагилар шу ҳақда бир ўйлаб кўришса яхши бўларди.

Октябрь районидagi «1 Май» ва «Катта боғ» маҳаллалари аҳолиси номидан:

Ғафур СОЛИХОВ,
Абулқосим ҚОРАБОВ,
Маҳсуд ТУРҒУНОВ,
Жами 95 та имзо.



Ҳозирги қийин шароитда болаларни кийим-кечаклар билан таъминлаш турмушимиздаги катта муаммолардан бири бўлиб турибди. Ўзи яшаётган маҳаллада кўни-қўшиллар ва ён атрофдагилар ташвишидан буни чуқур ҳис қилаётган Маъ-

суда Султонова зиммасидаги белгиланган режаларни ошириб бажаришга ҳаракат қилаётти. Илгор тикувчи меҳнат қилаётган цех Тошкент устки кийимлар ишлаб чиқариш фабрикасида болалар учун буюртмалар тайёрламоқда.



Хабарлар, мулоҳазалар, эътирозлар

АКМАЛ Икромов маҳалласи чойхонаси фаоллар, кекса отахону онахонлар, шунингдек таклиф этилган меҳмонлар билан гавжум бўлди. Қўмита раисининг ўринбосари, шоир Ҳайдар Муҳаммад сўзга чиқиб, «Тўйларимиз ўйларимиз» мавзуда суҳбат ўтказилишини айтди. Шундан сўнг савол-жавоблар бошланиб кетди. Йирилганлар ҳозирги қийин шароитда тўй қилаётганларни озиқ-овқат маҳсулотлари, мебель ва бошқа зарур нарсалар билан таъминлаш, бу борада райижроқўм томонидан яратилаётган енгилликлар ҳақида маълумот олишди.

Собир **БОЗОРБОВ**,
А. Икромов райони.

Юнусобод даҳасидаги 16 ва 17-кўп қаватли уйлар оралиғидаги ахлат қутилардан шу атрофдаги уйларда яшаётган аҳоли фойдаланар эди. Яқинда қутилар олиб кетилиб, ахлат машинада ташилиши йўлга қўйилди. Бу яхши албатта. Аммо машина кўпчилик хонадон эгалари ишга кетган пайтда келаяпти. Оқибатда ахлатлар шундоққина кўчанинг юзига ёки ариқлар ичига тўкилмоқда. Бундай «савобли» ишдан «Ўзил деҳқон» маҳалласидагилар ҳам бебаҳра қолишмаяпти. Кўпинча челақларда ахлат кўтариб келиб тўкиб кетаётган одамларни кўриб қоламиз. Бундай ахвол қачонгача давом этаркин?

Зиёвуддин
ЗАИНИДДИНОВ.

Юнусобод даҳасидаги 15-уйда яшовчи 2-гурух ногирони.

Нон — ризқ-рўзимиз, усиз дастурхонда барака, файз йўқ. Тўқни-сочин турмушимизни бу неъматсиз тасаввур этиш қийин. Кўча-кўйда нон хор бўлиб ётганини кўриб қолсам очарчилик йиллари ёдимга тушиб, беихтиёр кўзларимга ёш келади. Ноннинг увогини ҳам увол қилмаслик керак. Бунинг учун мактаб ва болалар боғчаларида тарбиявий соатлар, суҳбатлар ўтказиб туриш зарур, деб ўйлайман.

Ҳабибулла АҲМЕДОВ,
меҳнат кексаси.

Тошкент шаҳар Кенгаши доимий комиссияларида

МАХАЛЛА, уй қўмиталари ва жамоатчилик билан ишлаш доимий комиссиясининг навбатдаги йиғилишида «Маҳалла» дастури бажарилишининг шу йил, биринчи чораги якунлари кўриб чиқилди. Мажлиси комиссия раиси Ш. Темуров очиб, пойтахт маҳаллаларида тўпланиб қолган ижтимоий муаммолар тўғрисида гапириб берди. Шундан сўнг Тошкент шаҳар режа комиссияси раисининг биринчи ўринбосари Ш. Фаттоҳовнинг дастур ҳаётига қандай татбиқ этилаётгани юзасидан ахбороти тингланди.

Нотиқнинг сўзларидан маълум бўлдики, Тошкент шаҳар ижроия қўмитасининг моддий-техника таъминоти бошқармалари ва райижроқўмлар «Маҳалла» дастурини молиявий ҳамда моддий томондан таъминлаш учун зарур чораларни кўрмедилар. Натижада йиллик режа 8 фоизга бажарилди, холос. Айниқса, А. Икромов, Ҳамза, Октябрь, Сергели ва Чилонзор районларида ахвол ачинарлидир. Бу жойларда йўл ва йўлакларни солаш, сув шохобчалари ўрнатиш, кўкаламзорлаштириш каби юмушларга сарфланган маблағ 10-15 фоизни ташкил этди. Оқибатда таъмирлаш учун зарур бўлган

темир-бетон новлар, шунингдек чўян қувурлар етиштирилади.

САККИЗ ФОИЗГА БАЖАРИЛДИ, ХОЛОС

Нотиқ шунингдек, халқ таълими, маънавий хизмат объектларини қуриш, мева-сабзавот-дўконларини таъмирлаш ёмон аҳволда эканлигини таъкидлаб ўтди.

«Маҳалла» дастури Тошкент шаҳар ижроқўмида муҳокама қилиниб, барча бўлим ва бошқармаларга йўл қўйилган камчиликлар кўрсатиб ўтилди. Райижроқўмларга дастурнинг бажарилишини мунтазам назорат қилиб бориш топширилган, қисқа вақт ичда ўзгаришлар сезила бошлади. Натижада ойлик режа 18,6 фоизга уқдаланганини айтиб ўтиш зарур.

САВОЛ: Дастурни ҳаётга татбиқ этишда ўзгаришлар бўлаётгани яхши. Аммо маҳаллаларда ҳамон бетон новлар етиштирилади. Суриштирсангиз

бъзан асфальт бору, маблағ йўқ, дейишди. Бунинг боиси нимада?

ЖАВОБ: Юқорида таъкидлаб ўтганимдек, ҳозир таъминот масаласи ўткир муаммолардан бири бўлиб турибди. Утган йилдан бошлаб захлаб кетмайдиган жойларга бетон нов ўрнига ердан ариқ қилишга рухсат берилди. Маблағ масаласини эса райижроқўмлар ҳал қилишлари зарур.

Комиссия йиғилишида Тошкент шаҳар газлаштириш бошқармаси бошлигининг ўринбосари Т. Шокировнинг «Маҳалла» дастурида белгиланган ишлар юзасидан ахбороти тингланди. Комиссия аъзоларидан Н. Ҳасанов, К. Кабир, Н. Абдуллаев ва бошқалар сўзга чиқиб, муҳокама этилаётган масала юзасидан ўз фикр-мулоҳазаларини билдирдилар.

Кун тартибига киритилган Ҳамза район маҳаллалар ишлари мувофиқлаштириш Кенгашининг маъракаларини ихчам ва камтар ўтказиш ташаббуси ҳам кўриб чиқилди. Ўз вақтида «Тошкент оқишми» рўзномасида шахарликларга эълон қилинган бу мурожаат маъқулланиб, пойтахт маҳаллаларига оммалаштириш тавсия этилди. **Савдулла ШОДИЕВ**.

Бозор иқтисодиёти ва ҳаёт

ТўРТ ХОНАДОННИНГ БИРИДА

дилар, — суҳбатга қўшилди маҳалла қўмитасининг раиси Маннон Абдуллаев. — Ғалаба кунини нишонлаш учун пешинда юртга ош беришни мўлжалладик. Утказдик ҳам. Лекин масаланиқ топиш бизни қийнади. Мақсад бирон кимсани айблаш ёки тош отиб хумордан чиқиш эмас. Ҳаммасига айбдор танқислик. Суриштирмай-нетмай, не-не жаннатмакон жойлар кунпожун қилиб ташланди. Аслида маҳалла — мўлкўлчилик манбаи. Ўз оиламиздан қиёс. Булбулнинг кўзидек ҳовлимизда гилос, олча, узум, олма, ҳатто ҳовли бурчагида анжир ҳам бор. Болалар ёзи билан ана шу

меваларни тамадди қилади. Кўзи тўқ. Илгари сут-қатиқ ҳам маҳалланинг ўзидан чиқарди. Энди-чи? — Кечирасиз Маннон ака, гапингизни бўлдим, — деди доридармон ташийдиган машина ҳайдовчиси Шокир. — Олтига болам бор. Қўй боқаман. Ем-хашакка бош қотади. Ем-хашак сотадиган дўкон «Компрессор» заводиди, Октябрь мавзесида. Ем келганда устидан чиқиб қолсангиз олсиз, бўлмаса қопни кўлтиқлаб кетаверасиз. Мол ваъдага кўнмаса!

Биз ҳикоя қилаётган бу гўша С. Раҳимов районидаги «Намуна» маҳалласидир. Бу ердаги 200 хонадонда 1700 га яқин аҳоли

яшайди. Авазхон Раҳматуллаев, Эргаш Файзуллаев, Мунаввара Зуфарова, Абдували Собитов каби фаоллар хонадонлардаги ҳажратликни таъминлаш учун вақтлари билан ҳисоблашмай хизмат қиляптилар. Ҳаётнинг ачиқ-чучугини татиган, ҳаёт сабоғини олган пурҳикмат отахонлар ҳозирги иқтисодий қийинчиликларни баргараф этишда йўл-йўриқлар кўрсатишяпти. Маҳаллада янги новвойхона ишга тушди. Эндиликда аҳолининг эрталабки нонуштага бўрсилдоқ иссиқ нон билан таъминлаш имконияти пайдо бўлди. Ҳар тўрт хонадоннинг бирида туёқ бор. Бу келгусида мўлкўлчиликдан дарак беради.

«Намуна»ликлар ўз оилавий шароитларини яхшилаш мақсадида бошқа омиллари ҳам излаб топилмоқда.

Зиёвуддин **ОРИПОВ**.

— Маҳалламизда илгари кураш майдони бор эди. Мана ман деган полвоилар келишиб, шу ерда куч синашиб ошхўрлик, чойхўрлик қилиб кетишарди. Энди-чи? Маросимлардагина чойхонамизда одам бўлади. Ҳозир кекса ҳам, ёш ҳам ўзидан ортмайди. Чоп-чоп кўп, барака йўқ. Гапнинг лўндаси, бараканинг бари айланма йўлнинг наринги томонига ўтиб кетган.

— Кечирасиз отахон, гапингизга тушунмадим.

— Ёшсиз ўғлим. Ёшсиз. Маҳаллалар бузилди, уйлар, ҳовлилар бульдозерлар билан текисланди. Урнида эса қўтимизкоз кўп қаватли «дом»лар қад кўтарди. Богроғлар ўрнида даҳа, мавзелар... Гул ҳам тувакка тушди. Шундай бўлгандан кейин, барака қаердан бўлсин, — деди Нишонбой ота Турғунов.

— Отахомимиз тўғри гапни айт-

ХАЛҚИМИЗДА «Ен қўшним — жон қўшним», «Ховли олма, қўшни ол», Қўшнинг тинч — ўзинг тинч» каби ажойиб нақллар бор.

Қўни-қўшничилик муносабатларини тиклаш, қўшнилarning бир-бирларига бўлган меҳр-оқибатларини ошириш ҳамда қадимий қўшничилик анъаналарини, йўқолиб бораётган урф-одатлар ва удумларни ривож топтириш мақсадида Акмал Икромов районининг Чўпонота маҳалласидаги «Боғистон» чойхонасида маҳалла аҳли билан ўтказилган кеча худди ана шундай халқ мақоллари, ҳикматли сўзлар билан бошланди. Халқ депутатлари Акмал Икромов район Кенгаши



ижроия қўмитасининг маданият бўлими ва Чўпонота маҳалла қўмитаси билан ҳамкорликда тайёрланган «Жоним фидо бўлсин, Сизга қўшнилари!» деб номланган кеча муҳим бир сана — маҳалланинг энг ибратли оилаларидан бири, ўзининг табаррук 85 ёшлик таваллуди ҳамда оила қўрғонлиқларининг 60 йиллигини нишонлаётган Шокир ота ва Зухраҳон ая Аҳмедовалар тўйига ҳам бағишланди. Қўша қариган бу оилада тарбия топган 10 фарзанд, 70 набира ва 30 эвара ҳам шу куни кечанинг азиз меҳмонлари бўлишди.

Маҳалла — қадимданок бирликни, жипслик ва тотувликни мустақамловчи, кишилар ўртасида меҳр-оқибат ришталарини боғловчи марказ ҳисобланган. Бинобарин, қадимий қадриятлар тикланаётган ҳозирги кунимизда эса маҳалланинг роли янада юксалиб бормоқда. Шу маънода шахримизнинг ҳар бир районларидаги мавжуд маҳаллаларда маҳалла аҳли билан район раҳбарларининг масъул ходимларининг ошкора мулоқот ўтказиб, биргалликда мавжуд муаммоларни ҳал этишаётгани айни мuddао бўлмоқда. Шундай мулоқотлар, халқ билан очиқ учрашувлар ўтказиш Акмал Икромов районини ҳам анъана тусини олган. Ҳафтанинг ҳар чоршанба кунини район раҳбарлари, Кенгаш аъзолари навбатма-навбат бирорта маҳаллага йиғилиб, муаммоларни ўша жойнинг ўзида ҳал этишади.

«Жоним фидо бўлсин, Сизга қўшнилари!» деб номланган кечага ташриф буюрган район раҳбарлари бу сафар ҳам, тадбир бошлангани олтидан маҳалла аҳли билан ошкора мулоқотга киришишди.

— Бугунги учрашувимизда, — деди мулоқотни бошлаган район маҳаллалар иштини мувофиқлаштириш Кенгаши раиси, профессор, Ўзбекистон ССР халқ депутати Саидрахмон ака Мирзаев, — районимиздаги мавжуд 33 та маҳалладан вакиллар ҳам иштирок этишмоқда. Бу кеча ҳаммамиз биргалликда барча муаммоларни ҳал этишга ҳаракат қиламиз, мақсадимиз маҳаллалар тажрибасини ўртоқлаштириш ҳамда Чўпонота маҳалла аҳлининг «дардини» тинглаб, уларга кўмак беришдан иборат.

Шунингдек, ушбу мулоқот кечасида халқ депутатлари Тошкент шаҳар Кенгашининг депутати, шаҳар Кенгаши қо-

Анъаналар—халқ мулки

«Жоним фидо бўлсин, сизга қўшнилари!»



шидаги маҳаллалар билан ишлаш доимий комиссияси раиси Шукур Темуров, Акмал Икромов район партия қўмитаси биринчи котиби, район Кенгаши раиси Қудратилла Мирсоатович Рафиқов ҳамда район ижроия қўмитаси вакиллари иштирок этишди. Маҳалла аҳли уларга ўзларини қизиқтирган саволлар, хусусан, маҳалла турмушига оид ҳал этилиши зарур муаммолар юзасидан қатор саволлар беришиб, унга жавоблар олишди.

Шундан сўнг, Чўпонота маҳалласи қўмитасининг раиси Абдурахмон ака Асидов маҳалла аҳли номидан сўз олиб, бир вақтлар кўпчилик назаридан қолиб келган, шахримизнинг энг кўҳна маҳаллаларидан бири саналган Чўпонота маҳалласи бугунги кунда таниб бўлмас даражада ўзгариб, яшариб бораётганини таъкидлади.

Ҳа, маҳаллага кираверишданок кишиларнинг янги иморат тараддудида юришганини кўриб, Чўпонота маҳалласининг яқин кунларда чинакам боғу-бўстон жойга айланишига ишонч ҳосил қиласан, киши. Бунда эса, шубҳасиз, маҳалла аҳлининг бир-бирига бўлган меҳр-оқибати, аҳил-ноқ қўшниларининг ўзаро тотувлиги, ҳамжиҳатлиги, йиллар мобайнида синалиб, тобланган шафқат ва муруватлари ҳаммаша уствордир. Зеро, туғишгандан эъло бундай оқибатли қўшнилари кўпчилигига ҳаммаша ибрат.

Зухра МЕЛНЕВА.

СУРАТЛАРДА: маҳаллада ўтказилган тадбирдан лавҳалар.

Усмон Усмонов суратлари.

Ечимини кутаётган муаммолар
ЁРДАМГА МУҲТОЖ
КИЧИК КОРХОНА

БОЗОР иқтисодиётига ўтиши ва нарх-навоининг кескин кўтарилиб кетгани бугунги турмушимизда, жумладан, аҳоли кўп истиқомат қилаётган маҳалла ва маззеларда, қисқаси, ҳар бир оилада ўз аксини топмоқда. Халқ истеъмоли молларининг, кийим-кечакларининг нархи ошиши, кўп болали ва кам даромадли оилалар учун айниқса катта қийинчиликлар туғдирди.

Иқтисодий ислохот мушкулликларини енгиш учун эса эндиликда аҳоли зич яшайдиган турар-жой ва маҳаллаларда кўшимча даромад манбалари изланмоқда, халқ оғирини енгиш қилувчи кичик корхоналар ташкил этилмоқда.

Шундай корхоналардан бири шахримизнинг Фрунзе районидagi 35-мавзе қўмитаси қошида ташкил этилди.

— Кичик корхонани ташкил этишимиздан мақсад, — дейди қўмита раиси Валентина Николаевна Роденко, — мавзега қарашли кўп қаватли уйларда ва қўшни маҳаллалардаги беиш ўтирган аёлларни, қизу жувонларни ишга жалб этиш, нафақа олувчи ёлғиз қарияларга моддий жиҳатдан ёрдам бериш, даромади кам, серфарзанд оилаларга енгилик туғдиришдан иборат. Бинобарин, корхонада ҳам айнан шундай оилалар ва қариялар учун бугунги янгича нархдан бирмунча арзонроқ бўлган халат ва кўйлақлар тикиш мўлжалланган. Бу билан биз уларга моддий жиҳатдан бирмунча қулайлик яратиш билан бирга ёш қизлар ва келинчаларга оилада зарур бўлган энг оддий чеварлик сирларини ҳам пухта ўргатамиз. Токи улар болаларнинг жажжи кўйлақчалари учун ҳам пул сарфламай ўзлари чиройли қилиб тикиб бера олишсин. Муҳими, бу ўқув курсини кейинчалик жамғарилган маблағ ҳисобидан маҳалла аҳли истагига кўра бепул ташкил қилиш ниятидამиз. Ҳозирда кичик корхонамизда уйга иш олиб ишлаш истагини билдирган 50 га яқин қиз-жувонлар бор. Кўплай ёшлар эса, ўқув курсига кириб ўқиш ва курсни битиргач улар ҳам уйга иш олиб ишлашни исташмоқда. Уларга маҳалла чевари, тажрибали бичиқчи Анна Михайловна Краснабаева устозлик қилиб, иш ўргатишга розилик билдирди.

Корхона ҳозирги шароитда ўз фаолиятини янада кенгайтириши учун ҳар томонлама имкониятлар мавжуд, аммо махсус ажратилган жой, ишчилар биргалликда тўпланиб, иш ўргатиладиган бирор маконимиз йўқлиги бизни қийнаб қўяпти. Гарчи хат-ҳужжатларимиз аллақачон расмийлаштирилган бўлса-да, аниқ бир манзилга эга бўлмаганимиз сабабли ижара ҳақи тўлаш каби ишларимиз ўлда-жўлда, йил бошидан буён сарсон-саргардонимиз.

Дарвоқе, район ижроия қўмитаси, район кенгаши ва район партия қўмитаси ҳам бу масалада корхонага ёрдам қўлини чўзмоқда, аҳоли томонидан бошланган хайрли

ишни қўллаб-қувватлашмоқда. Лекин, учта кўп қаватли уйлардан иборат 500 хонадондан ва қўшни «Саперная» маҳалласидаги 2 мингга яқин хонадондан корхона учун бўш жой топилмапти.

— Мана шу биз яшаётган 9-уйнинг пастки қаватига бир разм солинг-а, — дея авиакасса ёнидаги хонани кўрсатди қўмита раиси. — Бу ерда яқинда авиабилетлар билан савдо қилувчи ширкат очилган. Бунга кўп вақт бўлгани йўқ, лекин очилгандан бери шу ерда яшовчи аҳолининг тинчи ҳам, асаби ҳам ҳаддан ортиқ бузиламоқда. Сабаби, турар жой биносининг шу жойини улар рухсатсиз, ўзбошимчалик билан эгаллаб олишган. Ширкатчилар ҳузурига тайёрлар учун чипта топиш ниятида келаётган кишиларнинг бу ердаги ҳар кунги бақирик-чақирғи, жанжали, баъзан ҳатто чипта талашиб сўкинмишгани ҳам шундоққина уйимизга эшитилиб туради. Бунинг устига устак уйимизга кираверишдаги дарвозамиз билан ёнма-ён бўлган ширкат эшиги ҳаммаша одамлар билан гавжум. Чипталар учун навбат ҳаммаша тирбанд бўлгани туфайли ҳар хил кишилар ҳовлимизга киришади. Одамларнинг осо-йишталиги бузилади. Улар ҳовлига папирос қолдиқларини, писта пўчоғи ва ҳар хил чиқиндиларни ташлаб ифлослантириб кетишади. Ҳолбуки, ҳовлидаги соя-салқин сўри атрофида кўпинча шу уйда истиқомат қилувчи қариялар, ёш болали аёллар дам олиб ҳордиқ чиқаришади. Болалар майдончаси ҳам баъзан ана шу четдан келган кишиларнинг қўполлиги оқибатида кўриб бўлмас ҳолга тушиб қолади. Ўз уйимизда мавжуд бўш жойга ҳам эгалик қилолмай, уни ширкатчилар ихтиёрига топшириб қўйиб додимишни кимга айтишни билолмай юрбимиз. Ваҳоланки, шу жойни аллақачон бизнинг кичик корхонамиз ихтиёрига бериш мумкин эди.

Дарҳақиқат, шу масала юзасидан яқинда район ижроия қўмитасида ҳам йиғилиш бўлиб, район раҳбарлари ширкатчилар учун бошқа бир жойни таклиф этишди. Лекин ширкатчилар авиакасса ёнидаги бино бизга жуда қулай, негаки кассадан чипта ололмаган йўловчилар ҳаммаша бизга мурожаат этишади, — деган баҳонани рўқач қилиб, бу жойни бўшатишни ҳаёлларига ҳам келтиришмаяпти. Кичик корхона очиб, уни ривожлантириш ва шу йўл билан кўпчилик ниятини рўёбга чиқариш истагида юрганлар эса жойга муҳтож бўлиб қолишмоқда.

9-уйда яшовчи аҳоли арзига қулоқ тутадиган яна қандай мутасадди ташкилот қолди? Аҳоли қачонгача ширкатчиларнинг «қизғин» савдоси туфайли юзага келаётган нохуш манзараларнинг, ҳақоратларнинг гувоҳи бўлишлари, муҳими эса ўз уйларига ўзлари эга бўлмасликлари керак!

Зулфия ДУСМУҲАМЕДОВА.

Қ. ПУЛАТОВ: Яқинда отамиз вафот этдилар. Жамғарма банкда у кишининг пуллари бор экан. Айтингни, бу маблағ бизнинг оламиз номига қайтариладими?

ЖАВОБ: Омонатчилар жамғарма банкдаги омонатлари юзасидан ўлим эҳтимолини назарда тутиб, вафот этганидан кейин маълум шахсга ёки бир неча кишига омонатни бериш учун банкка буйруқ қилиш ҳуқуқига эгадирлар. Бундай ҳужжат ёзма равишда бўлади. Ҳуқуқ нуқтан назаридан бу кўрсатма васиятга тенглашади.

МАРҲАМАТ, СЎРАЙВЕРИНГ

Омонатчи омонатни қонун йўли билан бир ёки бир неча шахсга мерос тариқасида қолдириши мумкин.

Агар омонатчи (банкка кўрсатма берувчи) қонун бўйича белгиланган вазифалардан бирига омонатни васият қилса, бундай меросга кирувчи бошқа мол-мулклардан ҳисса олиш ҳуқуқидан маҳрум қилинмайди.

Мабодо омонатчи жамғарма банкга буйруқ қолдирмаган бўлса, вафот этгач жамғармаси ворислик қондалари бўйича умумий асосда ворисларга ўтади.

Т. ҚОРИЕВ: Биз турган кватирга яқинда таъмирланишини уй-жой эксплуатация ишлаб чиқариш трестидан хабар қилишди. Айтингни, шу вақт ичнда биз қаерда

яшаб тураемиз ва қандай ҳуқуқлардан фойдаланишимиз мумкин.

ЖАВОБ: уй-жойни таъмирлаш зарур бўлган тақдирда бу давр мобайнида оилга (унинг хоҳиши билан) тегишли шароитли бошқа турар жой берилади. Турар жой учун кетадиган тўлов харажати эса турар жой эксплуатация ишлаб чиқариш трести (бирлашмаси) зиммасига юкланади. (Ўзбекистон ССР фуқаролик мажмуасининг 95-моддаси).

Абдужалил ҲАСАНОВ, ҳуқуқшунос.

«Маҳалладош»даги
мақола изидан

ҚАЮМ ОТА
НЕГА ҲАФА?

БИЗ 84 ёшга борган Қаюм ота Йўлдошевнинг илтимосига кўра у кишининг ҳузурларида бўлди.

— Утган йили рўзномангизда мақола чиққач шайх ва район ижтимоий таъминотларидан умидим катта эди, — деди отахон ҳол-аҳвол сўрашгач. — Афсуски, бирорта одам келиб ҳолимдан хабар олмади. Район ҳарбий комиссариатдагиларнинг ҳам парвон-палак. Хайрият, катта келишим янги қонунга кўра 35 сўмдан нафақа берилар экан, деб қогоз тўғрилиб келди. Ниҳоят, 22 йилдан бери биринчи марта давлат имтиёзидан фойдалана бошладим. Лекин меҳнат ва ногиронлик бўйича бериладиган нафақаларни олишнинг иложи бўлмапти.

— Отам ишлаб юрган пайтларида ҳужжат тўғрилиб қўйсалар кексайганларида керак бўлишини маслаҳат берганмиз, — деди Қаюм отанинг тўнғич кизи Маҳбубахон. — Кўнмадилар.

Гап шундаки, Қаюм ота 19 йиллик меҳнат стажига ҳақидоғи ҳужжатни йўқотганлиги ва архив орқали аниқлашнинг имкони бўлмаётганлиги туфайли нафақа ололмапти. Бу ҳақда «Маҳалладош»да мақола ёритилган бўлишига қарамай мутасадди идоралардан бирортаси ёрдам қўлини чўзмади. Утган йили отахоннинг хасталиғи бўлган чап оёғини шифохонда қирқитгандан кейин у бутунлай тўшаққа михланиб қолди.

— Агар шу азоб бўлмаганида бирор жойда қорувуллик қилардим, — деди Қаюм ота маънос оҳангда. — Узингиз ўйланг, 8 фарзандимнинг ризқини қўйиб, бекор ётишининг ўзи бўладими.

Менимча, агар исталса ҳамма нарсанинг иложи бор. Фақат озгина эътиборли, меҳр-шафқатли бўлсак бўлгани. Бунга Қаюм ота Йўлдошев яшайётган Чилонзор районидagi Погодин маҳалласи фаоллари нима дейишаркин? Мухтор СУЛАЙМОНОВ, Ўзбекистон ССР Маданият вазирлиги матбуот шўъбасининг муҳбири.

ҚЎШИҚ ВА
КУЛГИ КЕЧАСИ

Киров район маҳаллалар ишини мувофиқлаштириш Кенгаши томонидан ўтказилган бу сафарги тadbир «Қўшиқ ва кулги» кечаси деб аталди. Бугунги мураккаб иқтисодий шароитда кишиларнинг маънавий ва маданий ҳордиқ чиқаришига ҳам эътибор бериш муҳим аҳамиятга молик эканлигини айтиб ўтиришнинг ҳожати йўқ. Дарҳақиқат, ўтказилган тadbирнинг натижаси куттилгандан ҳам аъло бўлди. Тadbир учун ажратилган райондаги 257-мактабнинг клуби одамлар билан лиқ тўлди. Йирилганлар катта мамнуният билан Аббор Ҳидоятлов номдаги ўзбек Давлат драма театри артистларининг чиқишларини томоша қилдилар.

Театрнинг истеъдодли актёрлари жумҳуриятда хизмат кўрсатган артистлар Эркин Комилов, Едгор Саъдиев, Ҳожиакбар Нурматов ва Ленин комсомоли мукофоти соҳибдори Саида Раметовалар, «Уйланмиш» комедиясини катта маҳорат билан намойиш қилдилар.

Шунингдек, кечада театрнинг етакчи актёрлари Муножат Тешабоева ва Шавкат Толиповлар икром этган дилрабо кўшиқлар ҳам мириқиб тингланди. Уйлаймизки, ана шундай тadbирларни халқимиз сезиб томоша қилади ва уни кўпроқ ташкил қилиш мақсадга мувофиқдир.

Феруза ФАЙЗИБА.

Бой тарбия меросига эга бўлмаган болалар пировадидида мушкул ҳолге тушишлари, маишатпарастлик гирдобидида саргардон бўлиб юришлари аниқ.

Туриб-туриб ўйлаб қоламан, наҳотки борган сари кишиларимизда, айниқса ёшларимизда андиша, сўз маданияти, муомала, шарқона одоб сийқалашиб кетмоқда. Азалий гўзал тарбияли, муруватли халқимизда «нобоб», бетарбия болалар кўпаймоқда. Иқтисодий аҳволимиз жуда ёмон десек, бундан ҳам бешбаттар оғир очарчилик дaмларини бошимиздан ўтказганмиз. Лекин ўшанда ҳам ҳеч ким тарбиянинг жиловини қўйиб

Оила: у қандай
бўлмоғи керак?

ТАРБИЯ
ЖИЛОВИ

юбормаган. Кексаларимизнинг айтишларича, энг оғир 30-йиллардаги қаҳатчилик даврида ҳам ўғриллар, ёмон тарбияли болалар бўлмаган. Аксинча ҳаёт иштиёқи, юксак андиша, соддалик элимизда ҳукмрон бўлган экан. Илим ва тарбиянинг мазкeн асосан шу даврларга мос келди, десам муболаға бўлмайди.

Бувим раҳматли доим бир нарсани қаттиқ назорат қилишлари ҳали-ҳали эсимда. Биринчидан, оиладаги боланинг мактаб ва илмгоҳлардаги юриш-туриши, ўқиши, муомаладаги рисоладагидек сўзлари. Агар у кишига бирор нарса ёқмаса дарҳол атрофдаги намунали оиладаги болалар билан солиштириб, койир эдилар.

Иккинчидан, уйни ниҳоятда саранжом, тоза тутилишини назорат қилар ва режали уй бегона киши эшикдан кириши биланок билинади, дер эдилар. Йўлак супирилган, ортиқча нарсалар албатта тартибланган, ўтинлар саржин-саржин қилиб тахланган бўлиши керак эди. Ўз тандири йўқ ҳовлини умуман ризқ-насибсиз ҳовли деб тушунар эдилар. Нон ёпиш-

дан олдин албатта ўғил болаларга ўтин ёрдирав ва ўтин ёрса еяётган нонини қадрига етади, деган олийжаноб фикр бор эди, уларда. Хонадонга ким келса албатта оёқ кийимини зиналарга тахлаб қўйишни, лозим бўлса артиб, лойдан тозалаб юзиб қўйишни энг яхши одат деб билардилар.

Кези келганда шунни айтиш керакки, бу ўзбекона одатимиз бугунга келиб йўқолиб бормоқда. Меҳмон кутушининг энг яхши фазилати ва меҳмонга бўлган илтифот, ҳурматнинг бир кўриниши унинг пойафзалини авайлаб тахлаб қўйиш бўлади. Кексаларимиз албатта бу одатларини ёшларга ўтказишлари даркор. Қолаверса, ёш келинчақлар ҳам ушбу юмушларни бажарсалар оилада ҳаммаунинг ҳурматига сазовар бўладилар. Тўй-қашам, маъракаларда меҳмонлар гуруҳи уйга киргач мезбонларнинг энг ёш ўғлини шу юмушга эътиборли бўлса қанийди. Оддий уй бекаси — бузимизда шунча ҳаётий тажриба, бебаҳо тарбия дурдоналари бор эди. Шу аснода тарбияланган севкиз фарзанднинг ҳаммаси жамият учун ниҳоятда фойдали кишилар бўлиб етишдилар. Улар орасида олим, агроном, муҳандис, муаллим, ишчи, куллас ҳаммасидан бор. Фарзандлар ҳам ўз навбатида олган тарбияларини зурриётларига ўргатмоқдалар. Албатта бу ҳаётий қонун. Ким авлодидан намунали тарбияни ўзига мерос қилса, худди шундай тарзда зурриётларига сингдиради.

Яхши тарбия куртаги оилада. Оиланинг ҳар бир катта ёшдаги аъзосида. У ким — буваими, бузимми, амакими, барибир. Агар шу кишилар маънавий баркамол, иймонли бўлсаларгина, шу оилада биз муаллимларни қийнамайдиган болалар вояга етади. Ота-оналар мажлисларида, учрашуларда кўпинча «Боланинг тарбияси бузилмоқда, нима маслаҳат берасиз, муаллим!» деган саволни беришади. Кошки эди тарбия бир математика бўлса уни формулага солиб ундай қиласиз десанг. Йўқ, унинг формуласи. Ҳаммаси шахсий намунада, оилавий тарбия муҳитида, эъозлаб келаятган азалий удумларимизда. Шундай экан фарзандларимизни астойдил тарбиялаб, уларнинг халқимизга фойдали кишилар қилиб вояга етиштириш ҳар бир ота-онанинг, барҳаёт бўлган бува-бувиларимизнинг муқаддас бурчидир.

Бахтиёр КАРИМОВ,
муаллим.

Қадрдонлар яна кўришишди

Олим Хўжаев маҳалласида ажойиб бир анъана бор. Бу ҳудуддаги қайси бир ташкилот ёки муассасада тadbир ўтказилса жамоа аҳли бош-қош бўлишади.

— Мактабнинг 30 йиллигини нишонлар экансизлар, деб эшитдим, — деди қўмита раиси Абдурашид ака Нажмидинов 157-мактабга йўли тушганда. — Жуда яхши ўйлабсизлар. Виздан қандай ёрдам керак бўлса бемалол тортинмай айтаверинг.

— Узин ҳам олдингизга бориб учрашишни мўлжаллаб турган эдим, — деди мактаб директори раисни хонасига бошлар экан. — Очиги, маслаҳатингизга муҳтожмиз. Маҳалла аъзоларидан бир неча киши бизнинг мактабда ишлаб, пенсияга чиқишган. Биринчи навбатда шуларни таклиф қилсак. Уқувчиларимиз сизларнинг ўғил-қизларингиз. Қисқаси, бутун маҳалла билан келаверасизлар.

Ҳамкорлик ва ҳамжиҳатликда доимо унум бўлади, деб бежиз айтишмаган. Маслаҳат пишгач маросимга тайёргарлик бошланиб кетди. Фаоллар кекса ўқитувчиларни таклиф этишга кўмаклашишди.

Орадан кўп вақт ўтмай мактаб ҳовлиси одатдагидан гавжумлашиб қолди. Табаррук ёшдаги устозлар, маҳалла фаоллари сафида 1960 йилда илк бор билим даргоҳининг биринчи синфига ўқишга келган собиқ ўқувчилар фахрий жойларга таклиф этилдилар. Мактаб директори Карима Хошимова тантанани очар экан, йирилганларни қутлуг сана билан муборақбод этди.

— Қаранг, бир даврада бўлишимиз қандай ярашапти, — деди Ғулмуназир ака Жўраев, ҳаяжонини зўра босиб. — Рўпарамизда савлат тукиб ўтирган йигитларнинг кўпчилиги маҳалламизда яшашади. Бундан 30 йил илгари уларга таълим бериш бахтига мен ҳам сазовор бўлганман. Вақтнинг тез ўтишини қаранг. Эндидиқда уларнинг бири олим, бири шифокор, бошқаси эса муаллим. Яна дийдор кўришганимиздан мамнунман...

Ҳозирги кунда Октябрь районидagi бу мактабда 1000 га яқин ўқувчилар таълим-тарбия олишмоқда. Улар асосан Олим Хўжаев ҳамда Титов маҳаллаларидан келишади. Фаоллардан кўпчилиги ота-оналар қўмитасига аъзо этиб сайланишган. Бўш ўзлаштирувчи ва тарбияси оғир болаларнинг оиласи билан алоқа қилишда яқиндан ёрдам бермоқдалар. Қўлларидида ҳунари бор маҳалла аъзолари ёзда мактабни таъмирлашда иштирок этишапти. Мактаб ўқувчилари эса ўз навбатида маҳаллада уюштириладиган ҳашарларда баҳоли-қудрат қатнашиб, уруш ва меҳнат кексалари хонадонларини йўқлаб турибдилар.

Самад ШОДМОНОВ.

СУРАТЛАРДА: кеча қатнашчилари акс эттирилган. Рустам Шарипов суратлари.



Азиз муштарийлар! Мана Тошкентнинг қадимги дарвозаларидан ўн биттаси ҳақида озми-кўпми маълумотга эга бўлдингиз. Ўн иккинчи дарво-за — Кўкча дарвозасида эса икки оғиз сўз билан фикр билдирмоқчимиз. Эшунис олим Билол Аминовнинг таъкидлашича, бу дарвоза ҳозирги Ўзбекистон ва Туроб Тўла кўчаларининг кескиш жойида жойлашган. Унга Бешёғоч томондан келадиган йўлнинг икки томонида чуқур ҳандалар қазилганлиги шу атрофнинг географик ўрнидан яққол билиниб турибди. Дарвозанинг Кўкча дейилишига сабаб, ундан фақат ҳарбий мақсадларда фойдаланилган, бошқа пайт эса халқ қўйлаганидан бўлиши керак.

«Маҳалладош»да «Пойтахт»нинг ўн икки дарвозаси руни остида эълон қилиб берилган мақолалар муштарийларимизда катта қизиқиш уйғотганини таъкидлаш зарур. Шу бонс ҳам муҳарририят хатлар кутиси орқали турли фикр-мулоҳаза билдирилган, қўшимчалар айтилган мактублар олди. Эътиборингизга улардан айримларини ҳавола этаёلمиз.

БОЛАЛИГИМ «ТАХТАПУЛ»ДА УТГАН

БОЛАЛИК ва ёшлик дамларим «Тахтапул» билан боғлиқлиги туфайли шу дарвоза ҳақидаги мақолани ўқиб, менда кўшимча фикрлар пайдо бўлди. Дарвоза жойлашган майдоннинг ўрни тўғри кўрсатилган. Болалигимда бекин-мачоқ ўйнаб, кўрган деворларига кўзим тушган. Лекин дарвоза нима учун айнан ҳозирги чойхона ўрнига қурилганини чуқурроқ ўйлаб кўришга тўғри келади. Менмича ҳадимда бу ердан савдо йўли ўтган. Бундай дейишимга сабаб, 30-йилларнинг бошларида Тахтапул кўчасидан бораётган турнақатор туялар, безан чорва молларини ўз кўзим билан кўрганман.


«Тахтапул» дарвозаси ҳақида тўхталар эканмиз, унинг мудофеа деворлари юзасидан сўз юритишга тўғри келади. XIX аср тарихчиси Муҳаммад Солиқ Тошкандийнинг «Тарихий жадидаи Тошкент» асарида кўрсатилишича, девор бўлаб ҳар минг қадамда биттадан беру (амбразура), ҳар тўрт минг қадамда эса биттадан бурж (минаре)лар қад кўтарган. Кайковус анҳорининг девор ичиде қолганлиги ҳам мудофеа мақсадлари кўзда тутилганидан экани ҳақиқатдан узоқ эмас.

Дарвоза ва мудофеа деворларининг қариялар чойхонаси олдида бўлганлигига яна битта далил бор. Мен Тахтапул кўриги яқинидаги 100-200 метрлик жерлар, — чуқурликлар бағрида Курбон тоғанин теғирмонлари ишлаб турганини эслаймэн. 1 километрдан ортиқ масофага (пахта заво-



ПОЙТАХТ ДАРВОЗАЛАРИ: СЎНГГИ СЎЗ ЎРНИДА

Қадимги Тошкент лойиҳаси (XIX аср ўрталари)



- I. Кўкча II. Себзор
- III. Бешёғоч IV. Чоғатой
- 1. Арх 2. Чоғатой 3. Чоғатой
- 4. Хазрати Имом 5. Чоғатой Боғидаги мақбараси

- Шаҳар дарвозалари
- Икки рабоб чегаралари
- Дахаллар чегаралари
- Шаҳар ташқи деворлари

дигача) қўзилган бу чуқурликлар ўз-ўзидан вужудга келмаган. Чамаси, мудофеа деворлари қурилиши учун ана шу жойлардан тупроқ олинган.

Тахтапул ҳақида гапирганимизда ақолиснинг асосий қисми дехқончилик билан шуғуллангани, кўпчилиги ўз от-арвасига эга бўлиб, беҳорда боққа кўчганлигини айтиб ўтиш зарур.

Ҳикмат СОБИРОВ, катта қўшма доктори, профессор.

ДОР ЎЙИНЛАРИ БУЛАРДИ

КЎКЧА дарвозаси ҳақида турли хил фикрлар билдирилади. Яқинда маҳалламизда ўтказилган йиғилишда кекса ота-хонларимиз тортишиб қолишди. Улар маҳалла ва дарвозага алоқаси бўлмаган, тасодифий ном қўйилган кўчалардан бирини «Кўкча дарвоза» деб аташ тўғрисида таклиф киритишди.

2-Уйғур ва Архангельский кўчалари кесишган жойда светофор бор. Мана шу ҳудуд

азалдан Кўкча дарвоза деб аталади. Аниқ эслаймэн, илгари катта чойхона бўлиб, роса чойхўрлар йиғилишарди. Мен унда ёш йигит эдим. Халойиқ ерда чордона қуриб ўтириб, дор ўйинларини томоша қиларди. Дарвоза шу ўйин ўтказилган майдонда, ҳозирги магазин ёнида жойлашган бўлса ажаб эмас.

Тарихни билишга ҳар биримиз қизиқамиз. Шундай экан пойтахтнинг ўн икки дарвозаси ўрнига махсус белгилар

қўйиб, лавҳалар ёзиб қўйилса кўнгилдагидек бўларди.

Аҳмаджон АБДУЛЛАЕВ, Октябрь районидаги Оқлон маҳалла қўмитасининг раиси.

ЕШЛАР УЧУН САБОҚ

ЙИЛЛАР ўтган сари мозийни эслаш, ундан сабоқ олиш ва тарихий обидаларга эътибор олиб борадиган экан. Янги-лаиш шарофати билан кейинги йилларда обидалар тикланмоқда, йўқолиш арафасида турган, номи бору ўзи йўқ жойларга ҳам эътибор қаратилаётгани диққатга сазовордир.

Шу ўринда «Маҳалладош» саҳифаларида пойтахт дарвозалари ҳақида мақолалар эълон қилиб борилганини алоҳида таъкидламоқчимэн. Бизнинг жамоа Чоғатой Оқтепаси мавзесида жойлашган. Тошкентда эндиликда яқка-ю ягона сақланиб қолган Оқтепалардан бири бизнинг маҳалламизда.

Шуниси қувонарлики, мақола ёритила бошлагач Чоғатой Оқтепаси ёдгорлигини келиб кўриб кетадиган ва гапирадиганлар кўпайиб қолди. Бошқача қилиб айтганда, рўзноманинг хайрли иши туфайли унут бўлиб бораётган ном ва жойлар қайта жонланди. Бу айниқса ёшларимизга сабоқ бўлаётир.

Чоғатой Оқтепасининг номини абадийлаштириш мақсадида шу жойга мемориал ёдгорлик ўрнатиб, тахтага тарихий маълумотлар ёзилишини истардим.

С. МАҲКАМОВ,

пойтахтимиздаги Аъзам Иброҳимов номи маҳалла қўмитаси раисининг ўринбосари, район Кенгашининг депутати.

ЮНУС ОТА КИМ БУЛГАНИ ХУРМАТЛИ муҳарририят! Биз оиламиз билан рўзномада ёритилаётган тарихий номлар, жойлар тўғрисидаги мақолаларни доимо ўқиб борамиз. Пойтахт дарвозалари бўйича ҳам қизиқарли маълумотлар олди. Бунинг учун катта раҳмат.

Бизда бир таклиф бор. Тошкент шаҳрининг шимолий-шарқиде қадимда (1860-70 йилларда) пайдо бўлган кичик қишлоқ Юнус ота деган кишининг номи билан аталган. Замона зайли билан ҳозир бу ердаги узумзорлар, боғроғлар ўрнида кўп қаватли уйлар қад кўтарса ҳам номи Юнусобод бўлиб қолди. Хўш, Юнус исмли инсон ким ўзи? Қайси қаҳрамонликлари учун ерли аҳоли ўз даҳасини унинг номи билан атади? Минг афсуски, буни нафақат ёшлар, ҳатто кўпчилик кексаларимиз ҳам билишмайди.

Истагимиз, пойтахтдаги деҳа ва маҳаллалар тарихи рўзномада ёритиб борилса.

Хурмат билан: Саидқарим МИРЗАЕВлар оиласи.

Ибрат оладиган ҳамкорлик

СОБИР Раҳимов районидеги Юсуф Шомансур номи 11-мактабда шу атрофдаги «Иттифон», Обид Содиқов номи ва «Октябрь 40 йиллиги» маҳаллаларида истиқомат қилувчи ота-оналарнинг фарзандлари таҳсил кўришади. Шу боисдан ҳам кўни неча бу ерда бўлиб ўтган маросимга ана шу маҳалла комитетларининг раислари ва уларнинг фаоллари қатнашишди. Унда сўзга чиққан мактаб директори, Ўзбекистон ССР халқ маорифи аълочиси Маҳнам Расулов, мактабнинг жамоатчилиги асосида синфдан ташқари ишлар бўйича ташкилотчиси Ёқутхон Холмухамедова болаларга таълим-тарбия бериш борасида эриштирилган ютуқлар ҳақида, ечимини кутаётган муаммолар хусусида гапирдилар.

Мактабда бундан олдин бўлиб ўтган йиғилишда Обид Содиқов номидаги ма-

ҳалла комитетининг раиси, тарих фанлари номзоди Хусниддин Нурмухамедовнинг тақлифига биноан «Октябрь 40 йиллиги», «Иттифон», Обид Содиқов номи маҳалла қўмиталарининг жамғармаларидан мактаб ихтиёрига ўтказилган пуллардан йил давомида «аъло» баҳога ўқиган, ахлоқ-одобда бошқаларга намуна кўрсатган ўқувчиларни рағбатлантиришга келишилган эди. Шу боисдан М. Пўлатова, Ф. Аҳмедова, М. Собирова, З. Султонова, Ш. Топмухамедов каби ўн ўқувчига пул мукофоти берилди. Бундан ташқари ўқувчиларнинг ўзига ва уларнинг ота-оналарига мактаб маъмурияти ҳамда маҳалла комитетларининг мақтов ёрлиқлари ҳам топширилди.

Тадбир охирида сўзга чиққан мактаб ота-оналар комитетининг раиси Собижон Ёқубов маҳалла комитетларининг раислари Тошўлат Раҳматов, Хусниддин Нурмухамедовлар мактаб маъмурияти ва ота-оналарга қарата ўзларининг дил сўзларини изҳор этиб, бундан буён ҳам маҳаллалар билан мактаблар ўртасидаги алоқани шу йўсинда олиб боришга истан билдирдилар.

Фахриддин НУРИДДИНОВ.

Акс садо

«Мустақил маҳкама бўлсин»


«Маҳалладош» рўзномасида (8-сон) юқоридаги сарлавга остида мақола ёритилган эди. Диққат билан ўқиб чиққач менда бир мулоҳаза туғилди.

Маҳаллага ким раис бўлиши керак? Кўп жойларда олий маълумотли иқтисодчи, математик ёки журналистан сайлашни тавсия этишади. Бундай одамлар одатда ўз ишлари билан (ишхонада) банд бўлиб, маҳаллада рўй бераётган воқеалар ва янгиликлардан доимо хабардор бўлмасликлари мумкин. Тўғрида, оилаб командировкалар, доимий иш. У маҳалла ишини қойил қилсинми ёки ўз иш жойини уйдalasинми!

Маҳалла раиси албатта олий маълумотли бўлиши шартми, деган савол ҳам туғилади, баъзан. 40—50 йилларда кўпни кўрган, эл дарди билан яшаётган маҳалла раислари талайгина эди. Улар ўз исм-фамилияларини ёзиб, қўл қўйишни билардилар, холос. Аммо котиб мактабнинг юқори синф ўқувчиси ёки олийгоҳ талабаси бўлиши мумкин эди. Бугунги кунда ҳамма саводли. Аммо шу билан бирга иш билиш ҳам керак, ўз ўрнида. Қисқаси, маҳалла раислари кўпни кўрган, ҳаётнинг аччиқ-чучугини татиган, ишдан пәнсияга чиққан одамлар бўлсин. У эндиги фаолиятини ўз маҳалласи билан осонгина боғлай олади.

Абдулла ТОЛИПОВ,

С. Раҳимов район «Янги турмуш» маҳалласи маданият ва маърифий ишлар кенгаши бошлиги.



ГАЗЕТА ТАШКЕНТСКОГО ГОРОДСКОГО СОВЕТА
ПО КООРДИНАЦИИ ДЕЯТЕЛЬНОСТИ МАХАЛЛЯ.

МАНЗАЛГОҲИМЭЗ: Тошкент шаҳри, Ленинград кўчаси, 32-уй, Телефонлар 32-53-66, 32-89-42, 32-54-15.

ЖАМОАТЧИЛИК
ТАҲРИР ҲАЯЪАТИ.